

## REGLUGERÐ

### um útgáfu Lögbirtingablaðs.

#### 1. gr.

##### *Almennt.*

Lögbirtingablað skal gefið út rafrænt og það birt á veffanginu [www.logbirtingablad.is](http://www.logbirtingablad.is).

Réttaráhrif auglýsinga í Lögbirtingablaði skulu bundin við rafræna útgáfu á vef Lögbirtingablaðsins. Ráðherra getur, ef brýna nauðsyn ber til, ákveðið að réttaráhrifin miðist við prentaða útgáfu blaðsins.

#### 2. gr.

##### *Áskrift.*

Rafrænn aðgangur að Lögbirtingablaði skal bundinn við áskrift, og skal áskriftargjald ákvarðað í lögum um aukatekjur ríkissjóðs. Þó er heimilt að gefa almenningi kost á að nálgast einstök tölublöð, á PDF-sniði eða öðru sambærilegu sniði, ókeypis á netinu.

Auglýsingar í Lögbirtingablaði skulu vera aðgengilegar áskrifendum á netinu í þrjú ár frá birtingu þeirra. Tölublöð á netinu, á PDF-sniði eða öðru sambærilegu sniði, verða aðgengileg frá upphafi rafrænnar útgáfu þeirra.

Þeir sem þessa óska geta keypt Lögbirtingablað í prentuðu formi í áskrift eða fengið einstök tölublöð send gegn greiðslu gjalds vegna kostnaðar af prentun þeirra og sendingu, sbr. gjaldskrá fyrir Lögbirtingablað. Útgáfudagur hvers tölublaðs skal ávallt tilgreindur.

Áskrifendur að rafrænni útgáfu Lögbirtingablaðs skulu hafa aðgang að flokkuðum auglýsingum. Heimilt er að takmarka aðgang að leit í auglýsingum ef það er nauðsynlegt vegna sjónarmiða um persónuvernd.

#### 3. gr.

##### *Útgáfa.*

Rafrænni útgáfu Lögbirtingablaðs skal, eftir því sem kostur er, hagað þannig að:

- a. birtar auglýsingar séu frá réttum og þar til bærum aðilum og að þær séu einungis aðgengilegar áskrifendum,
- b. útgefnu efni verði ekki breytt,
- c. komið verði í veg fyrir óheimila úrvinnslu og samtengingu persónuupplýsinga,
- d. upplýsingar séu varðar gegn skemmdum, þjófnaði, eldi, náttúruhamförum og þess háttar atburðum,
- e. upplýsingar séu varðar gegn rafrænum árásum,

- f. alltaf séu til áreiðanleg og örugglega varðveitt afrit af birtum upplýsingum og hugbúnaðarkerfum.

Kerfisbundnar öryggisráðstafanir skulu gerðar reglulega til að tryggja áreiðanleika birtra upplýsinga, til að koma meðal annars í veg fyrir aðgang, breytingu, samtengingu eða miðlun upplýsinga án heimildar og að tryggja að skilyrðum 1. mgr. verði að öðru leyti fullnægt eftir því sem kostur er.

4. gr.

*Gildistaka.*

Reglugerð þessi, sem sett er með heimild í 3. mgr. 6. gr. laga um Stjórnartíðindi og Lögbirtingablað, nr. 15 10. mars 2005, öðlast gildi 1. júlí 2005.

*Dóms- og kirkjumálaráðuneytinu, 30. júní 2005.*

**Björn Bjarnason.**

*Ragna Árnadóttir.*

Nr. 624

30. júní 2005

## GJALDSKRÁ

### fyrir Lögbirtingablað.

1. gr.

Samkvæmt 3. mgr. 6. gr. laga um Stjórnartíðindi og Lögbirtingablað, nr. 15 10. mars 2005, eru gjöld fyrir auglýsingar sem birtast í Lögbirtingablaði hér með ákveðin þannig:

1. Fyrir auglýsingar í eftirtöldum flokkum sem sendar eru inn í gegnum almennt auglýsingaform í auglýsingakerfi Lögbirtingablaðsins greiðast 2 kr. fyrir stafabil:

Áskorun

Auglýsing/tilkynning frá ráðuneyti

Auglýsing/tilkynning varðandi fjármála-  
starfsemi

Búfjármörk

Dómsbirting

Embætti, sýslanir, leyfi o.fl.

Fasteigna-, fyrirtækja- og skipasala

Félagsslit

Firmaskrá

Framhald uppboðs

Fyrirkall

Greiðsluáskorun

Happdrætti

Hlutafélög

Húsbréf

Innköllun

Kaupmáli

Laus störf, stöður, embætti o.fl.

Mat á umhverfisáhrifum

Nauðasamningar

Nauðungarsala

Skiptafundur

Skiptalok

Skipulagsauglýsing

Starfsleyfi

Stefna

Svipting fjárræðis

Umferðrauglýsingar

Vátryggingafélagaskrá/

vátryggingamiðlaraskrá

Veðhafafundur

Ýmsar auglýsingar og tilkynningar

2. Fyrir eftirtaldar auglýsingar sem sendar eru inn í gegnum fyrirfram skilgreind auglýsingaform í auglýsingakerfi Lögbirtingablaðsins greiðist sem hér segir:

Aukatilkynning hlutafélagaskrár

1.000 kr. fyrir hverja tilkynningu

Búfjármarkaskráning

500 kr. fyrir auglýsingu

Firmaskráning

1.000 kr. fyrir auglýsingu